



道光四年重修

# 清江縣志

本衙藏版

重修清江縣志序



臨江為古揚州西南境所隸邑

類稱富繁自元夢澤公於萬

厯間宰新喻之人士戴其德

為作玄思碑志勿忘厥後累轉

進階江西按察使一時政蹟具  
載通志披覽之而前徽未遠也  
茲涓一官承乏之茲是邦每勤  
思先澤兢之焉恐上無以酬答  
國家下無以利被民人用滋愧已

涓令雩都凡六載辛巳冬始調  
任清江既下車見其地廣而腴  
民樸而愿心甚愜及接禮士大  
夫又復肫，敦古道俗美風清  
庶足備輜軒之采矣適奉

上憲檄將重輯通志諭令各郡  
邑速修志乘以供攷訂爰稽於  
衆僉曰邑志創自明季秦公入我  
朝至乾隆庚子鄧公迺續修之閱今  
又四十有五年矣因備為尋繹

雖編次釐定靡有缺遺然而戶  
口之增疆里之闕賦役之平與  
夫科名節義學校人才之林立  
輩出者又日新而月盛焉志其  
可勿修與於是謀之紳士擇邑

之端謹而能久者。評吉開局焉。  
涓謹按清江自春秋以來。吳越  
楚均屬九江郡。嗣是為豫章。為  
洪州。為筠。至宋建臨江軍。而清  
江遂稱望邑。則沿革可攷也。其

山如閣阜。瑞筠之高且大。其川

如蕭水香溪之清且深。則流峙

有靈也。且人物如李文袁鳴之

孝行。胡靜傳變之學術。至劉氏

遠。父貢父文章政事。以弟第卓

清江人物  
輝耀史冊  
者甚多  
以杜年胡  
靜傳變

不可怪

此文不知

是誰拉刀

決非考據

張公所自

為也

累洽重熙之世者宜何如歡忻而鼓舞

也今與諸君子分類爬梳較

若畫一實者增之浮者去之繁

蕪者條晰而清釐之毋濫毋刻

毋激毋隨庶幾信今傳後之盛

軌而百里偏隅之惇史哉從此

風俗日增淳美人文日形炳蔚

物產日益豐饒皞皞熙熙足以  
上備

聖世輜軒之采則固涓之所樂異其  
盛而或可仰承先澤於萬一者  
也遂書以弁於端

道光四年歲次甲申孟秋初吉  
知清江縣事汲郡張涓撰



序



清江邑。乘自邑。侯若水。秦公經始。後越百有餘年。碧山鄧公重加蒐輯。其間山川之源流。田賦之本末。兵農之利弊。歷代之因革。考文徵事。庶幾哉有典有則矣。迄於今。蓋



又四十餘年。道光元年春。槎張公以拔萃科來宰斯邑。既下車。勤於吏治。百廢具興。顧掌故闕焉。不備。慨然以為已任公餘之暇。從事於斯。濡墨吮毫。辨譌訂誤。與邑人士共相編次。凡九月。書成。郵筒楚北。屬序於恬恬。自惟簿書鞅掌。馳驅中外。歷有年所。回憶桑梓。釣遊渺不可即。復謬叨

簡命。巡撫楚北。重任夙夜。思奮恒兢兢焉。其奚以答公之請耶。既以謙陋辭。不獲免。乃即公之所以望於鄉

人士者引其說以為鄉人士勸還  
自勗焉我

朝

聖

聖相承豐功盛德休養生息涵濡於百  
餘年之深閭里父老子弟幸生其  
時相與樂耕鑿而習誦絃則此數  
十年間山川田賦兵農因革今不  
殊昔也惟風俗之敦龐人才之樂  
育必有不然變而蔚然起者日新  
而月異志之烏可緩哉清江有閭  
阜瑞筠之勝名天下霸江渝水會

流而東天地精英之氣鍾為人瑞  
而又先哲耆舊文獻具存游季文  
虎跑之泉考伯原春暉之蹟讀子  
壽止堂之訓摹魯公放生之碑則  
令人穆然有敦孝友守忠義之思  
焉風義有堡化梭有亭墨莊有記  
滌泉有銘則令人穆然有高氣節  
崇教化之思焉華國彝父之遺愛  
以常幼清之流風至於今人猶樂  
道之信遡瞻山川胥足顯靈秘而  
昭來葉矣後之興起於斯者必其  
人有可志有足志使後之人撫簡

冊而想見其為人庶幾志以人重  
不沒沒於當時苟可以為志乘光  
即共名山千古矣惡可不自振拔  
乎哉攷志載之體權輿禹貢而周  
禮外史掌四方之志則令郡縣之  
各為一志者所自昉禹貢紀山川而  
風俗畧焉說者曰風俗由乎上之  
教也紀物產而人才畧焉說者曰  
人才由乎下之化也至四方有志  
則用以周知九州之故相其適宜  
而施之政教於是取焉知風俗由  
乎上之教則宰於斯者當思所以

鼓舞之矣。知人才由乎下之化，則  
生於斯者，當思所以淬勵之矣。知  
用以相適宜而施政教，則風俗人  
才之故，皆政治得失之林。更當思  
奮興勉勵於以翼贊。

聖天子時雍於變之治，於永永弗替矣。  
是則公之所望於鄉人士，而恬所  
願與鄉人士共相勸勵者乎。因引  
申其說而為之序。

時

道光四年歲次甲申仲秋上浣

誥授資政大夫兵部侍郎湖北巡撫邑

人楊懋恬謹序



清江鄧志原序

廷輯以黔陬下士荷蒙

簡命分發來江西與試於權攝者屢矣其後補峽江令居六  
載口惴惴以不免罪戾爲懼及丙申調任清江見其俗  
樸民淳竊意此邦文獻必有裨於治理者旣與邑士大  
夫相見因訪求利弊並及邑乘僉憮然曰自明季秦公  
剏爲之慙

國朝百三十有餘年矣尚未講此也輯瞿然久之謂是邑

缺典其何可弗修然甫視事力猶未逮越歲邑事稍就  
部署始與士大夫議修而諸君子亦相與鼓舞以樂觀  
盛時文獻之備用請章程於憲府旣愜允輯乃與邑人

朝音田  
啟音軫

朝音天子

莫不裁悅  
注喜悅

號

士徵故寔采近聞於風土人物及諸有關邑事者已幸

得其崖略遂蠲吉而啟館蓋於是而觀佚編之就理也

竊考禹貢一書爲志所權輿周官外史掌邦國之志卽

古述職書也職何以述風俗爲一書土田貢賦爲一書

興賢爲一書禮樂兵刑各爲一書殿最分而慶讓因之

矣夫邑之司牧曰民父母必先有不得已於斯民之心

而後施於不忍斯民之政以政達政原以心準心父母

之謂何乳哺之穀伏之撫摩喫咻以幸其成立家殷庶

鄉禮讓然後著爲令典登之邑乘此物此志也豈僅撫

具文資博洽已哉輯愧井甘溝衷知識短淺久復研穎

荒禿何以與於典冊高文仰藉諸君子匡所不逮草創

之討論之修飾之載奉以就正有道又從而潤色之瞻

而不敢穢也簡則惟其闕也不廢舊章以酌時宜恪凜

聖謨而尚體要也庶幾哉有典有則披圖如指掌以觀民風

以考士習以定方域以權物宜或可信今而傳後輯雖

製錦未能已幸有所省覽以自課治術且得與清之父

老子弟引恬引養俊民章而家用平康轉轉焉啟啟焉

共慶

王化之成是則斯編大有造於斯邑國之福卽清江之福云

爾假異日者得趨觀

天顏

垂問一隅所治敬括舉斯編大畧稽首颺言以對揚

天子之休命

時

大清乾隆四十有五年歲次庚子孟冬月之吉知清江縣事

黔南邵

廷輯撰

清江秦志原序

丁丑之冬鏞謁典銓得清江心念知之弗明處之曷當  
卽晉謁機部楊先生求邑志讀之先生曰無之此吾清  
江三百年缺典也盍補其缺鏞謹受教旣蒞縣方值多  
事餉檄如火郵如水災稜相繼民色如土竭歷支吾日  
不暇給何暇問筆墨事然長安數語未嘗不耿耿在胸  
於是五年以來或晤對先哲則訪其舊或驅車田闕則  
謀諸野或道逢碑碣則摩其字或惠投編帙則攷其文  
積之旣久寢以融貫辛巳之秋遂奮然舉事凡踰年而  
始竣旣覆閱之其中保殘守缺未能更僕卒爲未成之  
書嗟乎豈不難哉大抵遺文旣散藏書未出舊聞放失  
蒐葺不至此攷據之難也邑中先達雖多同志然或出  
或處或嘿或語未能共事一堂商確訂詰此咨詢之難  
也山巔水涯足跡未至戶闕井觀語焉不詳此親歷之  
難也名法擾外思慮亂中抽隙片晷之閱覃思寢食之  
際此涉筆之難也然且爲其難而求辭者何也功令在  
是乎曰否黜陟在是乎曰否然則其爲迂遠而非所急  
也審矣夫以淺陋之識疎鄙之才處至難之勢舉不急



之務然且爲之而不辭者何也凡以有苦心焉有微情焉清雖彈丸實江省要會其閩山川之源流田賦之本末兵農之利弊人物之盛衰自洪永迄今荒落過半及今不爲曰我未暇而委之後人自收斃數十百年其爲湮沒何可勝道今雖缺畧紕繆未能成書倘惠邀邑之先生長者爰取而更定之以貽後之君子俾有所折衷焉庶猶存什一於千百也是則鏞之苦心焉抑聚散離合凡人之情鏞視清猶家也視清人猶父子兄弟也一旦罷去念我清人思之不置何以自慰庶幾手此一編相對如履其地如見其人不猶愈於托之夢想乎是則鏞之微情也夫心所嘿念與情所自致則雖以其事之甚難與非所急也而遂罷棄不爲則固有所不可也若曰以文事飾吏治而僭竊自附於述作之事則鏞豈敢崇正壬午九月旣望知清江縣事無錫秦鏞撰

清江秦志原序

方域之有志也自禹貢助也國家幅員最廣司封者各以所賜履罔羅詮次而通博固難其人於是羣聚相矜異同糅雜令讀者慨晉問之浮張而米傳之紕漏嗟嗟惇史豈易言哉清江爲洪都上游土隘而物繁厥田惟中而賦儼上鱸連轂擊四達之塗也故長民者因陋乘敝而文獻罔徵無錫若水秦公甫下車輒謀諸鄉大夫士奮爲已任蓋窮知究慮甫匝歲而書成其於錢穀徵

輪經費出入軍興力役城守關譏邑之大政質之顯皇  
帝以前事多參忤而國家北奉南勤供億亦浩繁矣公  
蒐訪舊聞酌通時變沿革利害以所劑量者參合經制  
所論著爲最詳若山川封域謠俗土風與人文之代嬗  
物力之靡敝得之該覽周咨躬履目涉而隱德幽貞單  
辭隻行又靡弗究殫焉乃正其牴牾刊其訛誤簡而核  
辨而不詭殆彬彬一代之惇史也然多於月幌風櫺篝  
燈砥筆以肆力於稠濁簿書之閔其用心亦何勤哉蓋  
政之敝也舊章放軼民始惑於多制兆興於多難而權  
時就事亦勢處其窮原始而怖其卒則纖備於此矣公  
蓋曰吾存其什一則方冊具在使遠而有徵周德未衰  
也天卽降衷以撫柔下邑繼治者舍其舊而新是圖將  
清節亨衢而委其煩策亦猶是範我馳驅也是固公睠  
睠清江之極思乎夫峴首遊娛興懷去後亦有情感慨  
之常而千載下誦其語聞其風猶可想見其人若公之  
睠我清江也文采風流昭回典冊以章造而詔後豈徒  
託諸慨歎者哉雖奕世之下思其德誦繹其書猶若軒  
舞其前而聆警欬於側也有斐君子枝葉所庇其利賴  
寧有已時又豈僉謀於邑屋而異同操錯者所得較其  
工拙哉是志也愛而傳文而行遠無惑也崇正十五年  
壬午十月望日賜進士第四四川布政司參政前河南道  
監察御史行人司行人奉命出使朝鮮賜一品服邑人

熊化書

清江縣志

卷之首

凡例

纂修職名

圖

卷之一

建置 疆域土產附

山川 形勢氣候風俗附

卷之二

水利 隄圩附

卷之三



坊都

鎮市 橋渡附

卷之四

城池

公署 倉儲附

祠壇 寺觀附

古蹟 冢墓附

卷之五

賦役 戶口附

卷之六

學校 書院附

卷之七

武備

卷之八

秩官

卷之九

選舉上

卷之十

選舉下

卷之十一

名宦

寓賢

卷之十二

人物一 漢至宋

卷之十三

人物二 宋至元

卷之十四

人物三 明

卷之十五

人物四 明

卷之十六

人物五 國朝

方伎

卷之十七

列女一

卷之十八

列女二

卷之十九

藝文一 詩四言五言古體

卷之二十

藝文二 詩七言古體五言律

卷之二十一

藝文 詩七言律五七言絕句詩餘

卷之二十二

藝文四 賦頌贊銘奏議碑

卷之二十三

藝文五 記一

卷之二十四

藝文六 記二

卷之二十五

藝文七 記三

卷之二十六

藝文八 記四

卷之二十七

藝文九 序跋書啟引祭告文

卷之二十八

雜志

卷末

勸捐銜名

樂輸名數

清江縣志

凡例

知縣張 湄重修

一清江縣志爲明令秦鏞剏修鄧廷輯謂是時戎馬倥  
偬羽書旁午徵文徵獻或未能備今按所未備者特  
不過人物藝文未暇廣爲蒐輯耳其水利風俗賦役  
兵防有關於民生國計者則固深切著明詳哉言之  
矣始事之功信乎其不可沒也

一鄧令廷輯於乾隆四十三年重修縣志當

久道化成之世值人文蔚起之時官有餘閑士多名宿故能居

今稽古待用無遺別類分門有條不紊蓋雖一縣之  
志而清和咸理之象迢迢遇諸言外以知著作之工

實出遭逢之盛

一鄧令修志距今四十五年

上則重離繼照卓哉煌煌下則奕葉蒙庥粲乎隱隱清江百里之中士食舊德民服先疇仕宦躋岳牧之班戶口登卅萬而羨茲因通志有待採取承檄重加纂修獲於紀載之間藉將揚厲之悃千載一時曷勝慶幸

一邑之有志如國之有史義貴守舊無取生新是以此次所修多用鄧志原文亦猶固仍遷書之意然間有疎舛則必斤斤較正無所爲苟同無所爲立異惟求愜心之當冀成徵信之書

一秦志不立星野惟於疆域內載當星紀之次南斗之度鄧志則徵引賅博加之論斷其辭甚辯然亦不能有所折衷也旣無所折衷卽於清江無大關係况一邑之地亦不足占分野之全故爲刪去以省煩惑

一鄧志首紀星野次載沿革今旣刪去星野則宜以沿革居首然沿革雖屬成語字面究不吉祥茲特改爲建置蓋衆建諸侯分置郡縣其稱謂亦甚古也

一疆域土產取附建置義本周官氣候風俗取附山川義本王制較之鄧志類次似爲諦當雖稍更前人所第非輕用一己之私

一水利附載隄圩坊都鎮市附載橋渡皆所以奠民居而衛民生者其中隄圩修築橋渡糊建有案可稽則



據案編入至水利坊都市鎮間有今昔形勢少異稱謂不同之處仍照歷來郡縣各志開載不敢妄有增損率由舊章以志慎也

一鄧志城池公署倉儲祠壇並列爲四寺觀冢墓則附之古蹟按城池爲官所守倉儲乃官所司成民而致力於神寺觀亦分私禱生今而尚論夫古冢墓更起餘思故以倉儲附之公署寺觀附之祠壇惟冢墓則仍附古蹟庶各以類從云

一鄧志所編田賦雜引明制借勝朝之苛暴顯

昭代之寬仁意非不善而條目煩猥今昔混蒙閱之轉增瞶

亂茲特恭照嘉慶十八年賦役全書簡明登載紙叔

明季橫征著於簡末已足見

高厚之恩而起生成之感矣

一學校武備鄧志所編最爲詳贍有體今則府學重修書院翔建陶淑之方較前愈密而將領日勤訓練

大府時加閱視桓桓之象亦復隱然莫犯備細添纂可以規與教制治之概焉

一秩官選舉鄧志所編頗能校正秦志脫誤今將鄧志未編者續爲纂登其已編而仍有遺漏者亦爲補入至雖有傳聞絕無實據則不敢輕採以昭傳信

一名宦寓賢人物方伎鄧志廣爲蒐討較秦志增多七八其中名宦如朱巽之李長庚並無實政人物謂湛

清江鎮人亦屬影響然有其舉之莫敢廢也  
故仍爲登載至所自編則多精覈無議今增名宦三  
人人物十五人方伎三人亦皆名實昭著在人耳目  
者若寓賢則雖有褻屐經過未見流風可慕不敢妄  
增

一婦人從夫一與之齊終身莫改恭逢

聖世稽古同天雖閨閣之中浴沐涵濡亦知秉禮自持此次  
報節者多至三百餘人增編一卷卽此足驗化行俗  
美之效

一志載藝文取有關於其地之人之事者以補紀載之  
闕固已然文之多寡視地之通僻荒微而得片言何  
異空谷之聞足音若歷代都會如長安金陵之屬則  
汗牛充棟有不能盡者矣鄧志藝文編至一十二卷  
無乃傷於繁富今重加芟補並收近出之作都爲九  
卷儘足參稽

一志家類有雜錄鄧志所編尚屬雅馴今增入三則皆  
以揚其地大人先生之美者餘則仍用鄧志原文不  
復採及新異以免荒誕之誚

一秦志僅有四圖鄧志圖繪較爲周密今府學城隍廟  
俱經修理勅建章山書院增設試院六棚規模宏敞  
壯麗遠過舊觀用改繪新圖併添繪栖梧山圖以補

鄧志之闕

一鄧志按語類多精審此次修志如文勢應入鄧令口氣者改爲鄧志曰否則悉仍舊載非敢掠美前哲良由先獲我心

一鄧志藝文未登

高宗皇帝聖製人物中郭裕楊廷麟列傳未載乾隆年間

賜謚今俱敬謹補纂所有疑而未決之處亦爲質證明白然而

創者難而因者易其淹貫正非鄙人所能爲役也

一秦鄧二志所載之人稱名稱號稱公稱謚例不歸一竊謂旣爲縣志卽屬官書是以此次所修無論顯晦一概稱名以符體制

一鄧志分二十四門今節爲二十四門鄧志分三十二卷今節爲二十八卷豈圖文省事增致蹈鬱而不明之弊祇期辭尚體要勉副達而勿多之言

一此次修志急於送省備採數月而成未暇廣徵書籍細爲校勘劇知掛漏必多訛誤不少所望大雅名流小山彥士惠以教言劄其駁躋幸甚幸甚

清江縣志纂修銜名

總裁

兵部侍郎

兼都察院右副都御史巡撫江西等處地方提督軍務陞工部左侍郎

程含章

雲南景東人壬子舉人

兵部侍郎

兼都察院右副都御史巡撫江西等處地方提督軍務

毓

漢軍黃旗人監生

禮部左侍郎提督江西全省學政李宗昉

江蘇山陽人壬戌榜眼

鑒定

江西承宣布政使司調廣西布政使司潘恭辰

浙江錢塘人辛酉進士

江西承宣布政使司布政使嵩

溥

滿洲正藍旗人監生

江西提刑按察使司調福建按察使司魏元煊

直隸昌黎人庚辰進士

江西提刑按察使司按察使邱樹棠

湖北漢陽人壬戌進士

江西通省督糧道

兼巡南撫建地方兼管水利

耿維祐

山東新城人壬戌進士

督理江西通省鹽法道兼巡瑞袁臨地方丁兆祺 江蘇山陽人 乙丑進士

督修

臨江府知府 經額布 滿洲黃旗人

署臨江府知府 劉體重 山西趙城人 己酉舉人

總修

清江縣知縣 張湄 河南汲縣人 辛酉拔貢

協修

清江縣教諭 周葆恕 南城縣人 戊午舉人

清江縣訓導 蕭錦 泰和縣人 戊辰舉人

署清江縣訓導 危梧岡 臨川縣人 廩貢

分理

清江縣縣丞 王焯 廬山人 監生

監刊

清江縣典史 姚秉良 廬山人 供事

勘正

兵部侍郎 兼都察院右副都御史巡撫湖北等處地方提督軍務 楊懋恬 邑人 己酉選拔

纂編

前任刑部浙江清吏司員外郎楊學光 癸丑進士

候選員外郎前翰林院庶吉士黃郁章 己未進士

分纂

舉人 黃嘉譽

舉人 張維玉

廩

生 洪行堦

叅訂

舉 人 候 委 教

諭 楊壽元

舉

人 劉元亨

舉

人 黃攀桂

舉

人 皮存簡

舉

人 曾鴻翥

舉

人 劉世傑

舉

人 龔作孝

舉

人 黃彝

舉

人 候 委 訓 導 關 玉

舉

人 關錦謙

舉

人 黃良楷

歲

貢

生 陳日貞

優

貢

生 黃仁育

經理

前任四川中江縣巡檢

鄧應辰

供事

鄉

飲

介

賓

楊雲漢

監生

採訪

武

舉

傅承潭

增

貢

生

饒學澍

廩

生

黎長棟

廩

生 陳廷仰

廩

生 黃懿珍

廩

生 龔家棟

庠

生 沈宗堯

庠

生 張維璣 俱邑人

鄧志纂修銜名

總裁江西巡撫世襲騎都尉郝

碩 翼軒 奉天世襲

江西學政汪永錫 曉園 錢塘進士

胡高望 豫堂 仁和榜眼

鑒定江西布政使秦雄飛 曉林 金匱進士

江西按察使馮光熊 魯岩 嘉善進士

署江西按察使通省鹽法道李 封 松園 壽光進士

署江西按察使分 巡 吉南 嶺南 巡兵備道 湯萼棠 鑑堂 仁和進士

江西鹽法道兼巡瑞袁臨地方杜 憲 汪若 大谷進士

督修臨江府知府王引楷 樸園 諸城貢生 陳葆光 芝田 靈石監生

總修知縣鄧廷輯 碧山 畢節舉人

協修教諭熊 顯 惠泉 南昌舉人 訓導劉于昌 虛舟 南昌舉人

分理縣丞彭延慶衍之丹稜貢生

監刊典史耿煌玉山華陽監生

纂編翰林院編修熊為霖鶴橋新建進士

分纂楊錫綬蓮湖琴齋俱邑人

劉輔世願齋寄圃俱邑人

經理楊映涵蘊齋復軒俱邑人

謝曰愷懇齋五封俱邑人

繕寫周躍龍澗濤晴堂俱邑人

張景巖京山郁齋俱邑人

郭開運俱邑人

彭應麟仁圃俱邑人

戴均靜齋德清庠生

謝其情幼和南城舉人

楊賡謨恕堂俱邑人

洪文炳筠邨俱邑人

秦志纂修銜名

鑒裁江西督學道侯嗣曾 郭都賢

分守湖西道吳麟瑞 潘士遴

分巡湖西道蔣如奇 吳炳

知府毛之儁 通判宋國柱 推官俸秉澹

手纂知縣秦鏞

叅訂楊廷麟機部 熊化極峯 張壽祺瑤碧

錢應華堅白 彭元祚赤霞 晏日曙季復

楊廷楨周士 黃蓋卿務白 曾光祖觀我

聶起潛虬驤 龔善選颺廣 曾曰琥鍊丸

楊世榮秦鄰 黃應鷗宇曜 黃騰達文石



傅選用賓

鄒瑄清臣

鄒希孟九賓

祝應熊大占

楊煜然晦若

楊一相又西

黃介中石丈

蕭宏緒


鄧岳壽五峙

彭立節介臣

熊兆行見可

黃長齡錫老

黃尚賓嘉卿




縣境全圖

東十里清豐橋出縣界

東

北東五十五里至淮都豐城界



東四里至源新江界

南

北三十五里至曲水湖橋高界



東家過江新源

西  
西七十里至勺塘上高界  
西五十五里至新橋新喻界  
西南五十五里至萬安鎮新喻界

青工縣志

卷之首圖

一



建安鄉圖

東北修德鄉界

北至修德鄉界

東至中洲

崇學鄉界

東南至新

橫里河界

萬雨洲

石下渡

袁河

萬雨洲

界

界

魯坊舖

嵩塘舖

渡塘

界

界

嶺瑛姜

嶺瑛姜

嶺瑛姜

嶺瑛姜

嶺瑛姜

龍溪寺

伊塘

雙塘墟

港坪塘

觀林楓

龍溪寺

伊塘

雙塘墟

港坪塘

觀林楓

龍溪寺

伊塘

雙塘墟

港坪塘

觀林楓

龍溪寺

伊塘

雙塘墟

港坪塘

觀林楓

龍溪寺

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

港坪塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

港坪塘

觀林楓

港坪塘

觀林楓

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

觀林楓

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

港坪塘

港坪塘

觀林楓

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

觀林楓

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

港坪塘

觀林楓

伊塘

雙塘墟

路過太平

西至思賢鄉界

西北思賢鄉界

安洋港

長蘆

吳塘

五蓋湖窪

寺湖窪

波家

界

界

前塘港

中間港

庵在茶

安洋港

寺湖窪

波家

界

前塘港

中間港

庵在茶

安洋港

寺湖窪

波家

界

前山

道黎墟

前塘港

中間港

庵在茶

安洋港

寺湖窪

波家

界

前山

道黎墟

前塘港

中間港

庵在茶

安洋港

寺湖窪

波家

界

修德鄉圖

江文縣志

卷之五

東北西區城界

曲城林坊界

清江鎮崇學鄉界

東頓河崇學鄉界

北至高安同舖

西至北至高安會界

西至高安龍城界

西南至伊塘下建安鄉界

南至城西宗巷裡建安鄉界



江文縣志

卷之五

五



崇學子鄉圖



北至賴河界



治城圖

治城圖



場操信 廟東 壇厲那



青工系志


卷之百圖

八






樟樹鎮圖




青工縣志 卷之二 官圖

十

兩河中洲圖




縣官廨圖





青工縣志

卷之首圖




縣學宮圖




青工縣志


卷之百圖

十一





閭阜山圖




青工形系志

卷之二百圖

十五



章山圖



山章



卷之七

卷之七

七




瑞筠山圖



青工縣志

卷之六十四

十七



栖梧山圖

河阜寨

峭壁



萬峯



竹叢

泉居真

井

水亭





迴龍寺圖

江陰縣志

卷之十



迴龍寺




場稼

青工係心


卷之二

二十

府學宮圖 附章山書院



青工縣志 卷之二 圖附



明縣境圖

元寧湖

夏山

雲谷山

東至豐城界

關水

關阜山

樟樹舖 清江鎮

校評司

美簡司

南橋

崇學閣

崇學閣

崇學閣

崇學閣

崇學閣

崇學閣

崇學閣

崇學閣

崇學閣

李

花

公

公

公

公

公

公

公

公

公

公

公

公

公

公

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

波

明治城圖

清江集卷之六



北 鐵佛寺 雷廟 善嘉橋 臨江營

青工縣志

卷之六 自舊圖



南 風雲雷雨壇

二三三

宋軍城圖

北



青工縣志


卷之首 舊圖



南



洪武城圖



青工縣志

卷之百舊圖

明兩河圖

南百丈亭




三才系志

卷之二 目錄圖

明末樟樹鎮圖

江蘇東...

卷之...



普原

瓦窑湖

鎮東門

通慧寺

鎮南門

鎮西門

鎮北門

江橋

鎮東街

鎮西街

上石埠

鎮南門

鎮北門

中洲



鎮東門

鎮西門

靈峰寺

東關外大路

鎮南門

鎮北門

鎮東街

鎮西街

鎮南門

花洲

京金洲

清江縣志卷之一

建置

疆域土產附

三代而上封建諸侯三代而下建置郡縣所謂殊時不相沿樂異世不相襲禮要以成功爲統紀不可緼也清江始隸吳越介在荒服洎建軍州升爲望邑溯源討流表以系之粲若列眉矣而慎其封守辨厥土宜使民各安其居各甘其食壽寓福林於是乎在撰建置列志

清江在禹貢揚州西南境古荒服地也秦廢封建立郡縣地屬九江郡漢高帝五年改九江曰淮南分立豫章郡統縣十八清江地西北境隸建城西南境隸宜春東

境隸新淦。淦舊城卽今樟樹鎮都尉所治也。武帝元封元年置十三州部刺史。揚州部領豫章等五郡一國。清江地屬揚州部。新莽改建城曰多聚。新淦曰偶亭。宜春曰修曉。東漢建武初復故。中平二年析宜春立漢平縣。孫吳據有江東改曰吳平。故城在今西南境三十餘里。近棲梧山或曰吳平故城在思賢鄉金城寺土城遺蹟尚在。清江東北西仍分隸建城新淦而西南境爲吳平縣矣。水經云潁水東北過漢平縣南又東北過新淦縣西。酈注云牽水又東逕吳平縣舊漢平也。又東逕新淦縣而注於豫章水牽水卽今袁水是時潁袁滙於今縣南二十餘里正近吳平故治而新淦非今新淦縣桑酈

所云審其爲今清江境也。晉元康元年分荆揚地置江州統豫章等十郡建城新淦吳平隸郡如故。梁大同二年置巴山郡領七縣新淦其一建城吳平仍隸豫章太平元年分江西臨川安成豫章巴山四郡置高州以黃法氈爲刺史鎮巴山。按江西當作江州是時未有清江江西之名蓋南史傳刻之譌清江地分隸豫章巴山二郡屬高州。隋開皇九年平陳省巴山郡改廬陵郡曰吉州以新淦治遷南市村隸焉。省安成郡併省新淦縣入吳平改豫章郡曰洪州建城吳平隸焉。十一年廢吳平入宜春十八年於宜春置袁州再立新淦縣清江西南境隸新淦餘分隸如故。大業三年改洪州仍豫章吉州仍廬陵袁州仍宜春十二年林士

宏盡據江西諸郡地明年蕭銑襲而取之唐初武德五年平銑士宏置洪州都督府改建城曰高安置靖州七年改米州又改筠州八年廢筠州高安仍隸洪州以境內蕭灘爲鎮新淦仍隸吉州新渝仍隸袁州貞觀二年分天下爲十道屬江南道開元二十一年分江南爲東西二道置採訪處置使又改觀察使高安新淦新渝仍分隸洪吉袁三州屬江南西道按是時江南雖分東西二道尚未直稱江西自乾元初李峘都統淮南江東江西建中三年曹王臯爲江西節度使則江西之名所自始也咸通六年升洪州爲鎮南軍天祐三年淮南楊渥取洪州天祐六年梁朱溫之開平三年也淮南盡取江西地明年從嚴可求請置都制置使於新淦縣并以新渝吉陽豐城隸之南唐昇元二年洪州蕭灘鎮巡使吳鸞建議鎮地當南粵虔吉舟車四會之衝請爲縣八月戊寅析高安建安修德二鄉暨吉州新淦崇學鄉卽鎮治立清江縣直隸鎮南軍節度使以鸞知縣事保大十年正月以洪州高安縣置筠州改清江隸焉宋開寶八年平江南明年爲太平興國元年分天下爲十五路清江屬江南西路兵馬鈐轄後天聖中析爲十八路元豐中又析爲二十三路建炎中合江東西爲江南路紹興初復分東西路清江之屬江南西路終宋之世未之改也淳化三年張鑑爲江南西路轉運使請以筠州清江吉州新淦袁州新喻三縣置臨江軍清江爲倚郭望縣治平三年復

析新淦茂才鄉新喻思賢鄉來隸從民便也元至元十三年統一南北於隆興設行都元帥府及安撫司十四年改元帥府爲江西道宣慰司立行中書省改諸州軍俱爲路臨江軍爲臨江路總管府置錄事司清江倚郭爲上縣元末明太祖取江西命趙德勝分收臨江諸路仍襲元行中書省洪武二年改臨江路爲臨江府九年革行省置江西等處承宣布政使司分江西爲五道清江仍倚郭爲臨江府首縣屬湖西道嘉靖十二年巡撫南贛副都御史唐胄疏請湖西守巡二道分駐臨江吉安四十年始以分守湖西道布政使司右叅政陳大賓來駐府城

國朝康熙二年裁湖西巡道併歸分守道七年七月分守道施閏章以奉裁去十四年復設二十一年復裁雍正九年以驛鹽道兼轄瑞袁臨三府清江屬江西驛鹽道縣領五鄉曰思賢曰建安曰修德曰崇學曰茂才舊分城九坊六廂鎮七坊鄉三十八都編戶二百七十一里康熙二十二年知縣王廷讓併爲城五坊鎮一坊鄉十七都編戶八十九里

世次 區域

郡

縣

唐 揚州

清江地屬揚州

虞 揚州

夏 揚州

商揚州

祖甲二吳史記吳世家

十八祀荆蠻以避季歷

季歷立太伯自號句吳

周武王吳太伯卒弟仲雍立至武王

時有天下立其四世孫周章為吳子

元王三越左傳冬十一月丁卯越滅

年春秋吳後魯

哀公二十二年

顯王三楚史記越世家越威王大敗

十五年越殺王無疆盡取故吳地

秦始皇

二十六年

年

楚義帝九江王國通鑑綱目

心元年沛公入咸陽秦王子嬰降項籍尊楚懷王為義帝立英布為九江王

沛公入咸陽秦王子嬰降項籍尊楚懷王為義帝立英布為九江王

漢王四淮南王國通鑑綱目

年漢三年隨何以九江王布歸漢

清江地屬吳

清江地屬越

清江地入楚

九江郡通鑑綱目新淦一統志

政二十四年秦王政楚虜王負芻建安修德思賢明年王翦遂定三鄉未知所屬江南明年分天而崇學茂才二下為三十六郡鄉則固隸之

九江郡



四年秋七月漢立英布為淮南王

漢高帝淮南王國

五年

豫章郡 史記灌嬰傳

新淦

渡江定吳豫章會稽郡漢書地理志析淮南置

建城

一統志漢初置今清

八 豫章郡領縣十

修德

二鄉隸之

十一年吳王國

史記淮南王黥布反高祖擊布軍追斬布鄱陽

豫章郡

屬吳國

新淦

江西南境思賢鄉隸之

吳王三郡

豫章郡領縣如

宜春

建城

年

武帝元揚州部

漢書地理志置

豫章郡

屬揚州刺史部

封元年

揚州部領五郡一國

新莽

九江郡

漢書注莽改豫

多聚

漢書注莽改建城曰

章曰九江

多聚

偶亭

莽改新淦曰偶亭

修曉

莽改宜春曰修曉

東漢建揚州刺史部

豫章郡

後漢書揚州刺史

建城

復舊名

武元年

史部豫章郡二

十一城

新淦

復舊名

宜春

復舊名

中平二年

三國吳 主孫權

晉元康元年

梁大同二年

太平元年

建城

漢平 晉志析宜春置

新淦 南部都尉治此

建城

吳平 宋志漢平縣吳改曰

吳平 未載其為何年水經注以為晉太康元年始並存之

新淦

建城

吳平

建城

揚州之豫章郡 州疆土廣遠統六

豫章郡 屬江州統縣十

州之武昌桂陽安成合十郡因江水之名置江

豫章郡

建城 仍隸豫章

吳平 仍隸豫章

新淦 改隸巴山

巴山郡 隋志注巴山郡領七縣太平寰宇記梁大同二年立以巴

豫章郡

建城

吳平

新淦

州四郡置高州以法既為刺史鎮巴山按江州史誤作江西四

郡注云臨川安成豫章巴山

隋開皇 洪州總管府

洪州 改豫章郡 為洪州

建城 隸洪州

九年

吳平 隋志省安成郡并省新淦入吳平隸洪州

吉州 改廬陵郡 為吉州

新淦 省巴山郡 縣入崇仁

十一年

洪州

以新淦治遷南市村改隸吉州 建城 仍隸洪州

宜春 省吳平入 宜春隸洪州

十八年

吉州

新淦

建城 隸如故

吉州

新淦 隸如故

袁州 於宜春置 袁州

新淦 再立新淦 隸袁州

豫章郡 復為郡

建城 隸豫章

廬陵郡 復為郡

新淦 隸廬陵

宜春郡 改為郡

新淦 隸宜春

靖州 即建城縣 置靖州

高安 改建城為 高安隸靖州

唐武德 洪州都督府 平林 土安改總管府 為都督府

吉州 廬陵仍名 吉州

新淦

袁州 宜春仍為 袁州

新淦

七年

筠州 改靖州為 筠州 米州旋改 為筠州 高安 隸筠州

八年

吉州

新淦

袁州

洪州廢筠州入洪州

高安隸洪州

吉州

新淦

袁州

新淦

貞觀二江南道分天下為十道洪州

高安仍隸洪州以境內蕭灘為鎮

吉州

新淦

袁州

新淦

開元二江南西道分江南道洪州領縣七

高安仍隸洪州

十一年為江南東道置採訪使吉州領縣五

新淦仍隸吉州

處置使又改江西觀察使袁州領縣三

新淦仍隸袁州

天寶元

豫章郡改洪州復為郡

載

廬陵郡改吉州復為郡

宜春郡改袁州復為郡

洪州郡復為州

吉州郡復為州

袁州郡復為州

乾元元

咸通六鎮南軍夏五月以江南西道置鎮南軍

於洪州改觀察使為節度使

唐天祐鎮南軍節度使洪州隸鎮南軍高安

六年主梁都制置使蓋取淮南吉安

新淦隸吉州都制置使領

朱溫開江西地七年淮平三年南楊隆演建國時唐亡曰吳置都制置已久南仍稱新淦吉陽豐城號天祐年隸之

袁州

新淦仍隸袁州使按新淦本始相承作淦

南唐昇鎮南軍

洪州

清江南唐書八月戊寅升

元二年

晉天福三年

吉州

洪州蕭灘鎮為清江縣不隸州謂直隸於節度使也割高安之建安修德新淦之崇學合三鄉為縣域是為有縣之始新淦茂才鄉尚隸新淦

袁州

新淦思賢鄉尚隸新淦

保大十

年周廣順二

筠州南唐書正月以洪州高安縣置筠州

清江改隸筠州

周顯德

南都元宗奉周正朔以豫章據上流升為南都議徙都焉筠州

清江

六年

宋太平

興國元

江南西路分天下軍筠州州為十五路筠吉袁等州俱為江南西路

清江望

年

淳化三

年

臨江軍從轉運使張鑑請以筠州之清江建臨江軍割

清江望

吉州之新淦袁州之新喻來隸領縣凡三

治平三江南西路

臨江軍

年

清江割本軍新淦之茂才鄉新喻之思賢鄉來隸合建安修德崇學三鄉凡領五鄉

建炎四江南路合江東西路為臨江軍

清江望

年

紹興元江南西路復分東西臨江軍

清江望

年

元至元江西行都元帥

十三年府混一南北於隆興設行都

元帥府

十四年江西行中書省臨江路改軍為路立總清江上

改元帥府為宣管府領錄事司慰司立江西等轄縣一州二處行中書省

至正二江西行中書省

十一年明太祖取江西諸路制仍元舊

明洪武臨江府改臨江路為府清江

二年

九年江西承宣布政臨江府隸江西布政使清江

使司置江西等處承宣布政使領府十三

湖西道分江西  
以吉安臨江袁  
州三府為湖西  
道

嘉靖四江西承宣布政臨江府領縣四清江

十一年使司

湖西分守道以湖  
西巡道駐吉安  
而分守道駐臨  
江

國朝順治江西承宣布政臨江府清江

二年使司江西初入  
縣悉仍舊制

康熙七湖西道裁

年

十四年湖西道復設

二十一年湖西道復裁

年

雍正九江西驛鹽道兼臨江府

年瑞州袁州臨江

清江

右清江沿系之自悉據列史地理州郡諸志參諸  
羣籍先考表經緯縱橫上下千載犁然在目其  
歷來志地者容有沿誤之處並錄於後而為之辨  
正譬若可以考焉

漢志豫章郡十八縣新淦建城在焉建城至唐改爲高安卽今之吉安也各勝志

昇元元年陞吉州蕭灘鎮爲清江縣不隸州唐餘紀傳

按高安在唐時隸洪州蕭灘鎮卽屬高安至南唐

保大十年始卽高安縣置筠州其時清江已爲縣

由洪州割隸筠州卽今瑞州也各勝志唐餘紀傳

以高安爲今之吉安以蕭灘鎮屬吉州可不辨而

知其誤矣

五代時置屬洪州南唐屬筠州宋置臨江軍於此輿地

廣記

按清江以南唐烈祖昇元二年立縣屬洪州實晉

高祖之天福三年也以中主保大十年割隸筠州

實周太祖之廣順二年也以爲五代則均五代以

爲南唐則均南唐歐陽忞輿地廣記殊不分曉

本漢建城縣地郡縣釋名明一統志並同

漢析九江爲淮南又析淮南爲豫章清江有其地無

其名屬豫章之建城隆慶府志

南唐分高安置上高萬載清江瑞州府志

清江本建城縣地漢初析淮南爲豫章建城隸焉唐

武德五年改建城爲高安邑治在唐爲蕭灘鎮實高

安境內南唐昇元二年吳鸞知蕭灘鎮院事以蕭灘

當南粵虔吉袁洪之衝非爲邑不可唐主從其請取



高安之修德新喻之建安新淦之崇學三鄉爲清江縣設官惟令佐尉厥後增置簿宋淳化三年改筠之清江爲臨江軍治平三年邑民乞割新淦之茂才新喻之恩賢二鄉增隸之地始倍昔所領共五鄉秦志

按陸游南唐書烈祖昇元二年八月陞洪州蕭灘鎮爲清江縣故地志諸書均謂本漢建城縣地蓋特據治城言之實則全境之地漢時分隸新淦建城宜春三縣三國六朝分隸新淦建城吳平三縣隋并吳平入新淦唐改建城爲高安則分隸高安新淦新喻考厥沿系固不得以建城概之矣秦志又以建安思賢二鄉均析自新喻考隆慶府志城九坊六廂俱建安鄉所轄今之城古之鄉也建安鄉如屬新喻則陸書何以不書袁州而曰洪州之蕭灘鎮耶文獻通考紹興二十一年臨江知軍王伯淮奏本州寫田之弊言淳化癸巳歲詔建臨江軍取筠之蕭灘鎮爲清江縣割高安之建安修德兩鄉隸之紹興去置郡時未甚遠所言必有實徵則以建安爲析自新喻誤無疑矣

### 疆域

縣境廣九十三里袤五十五里東至南昌府豐城縣界之上湖八十里西至新喻縣界之新橋五十三里南至新淦縣界之丁家渡二十五里北至瑞州府高安縣界

之曲水橋三十里東南至新淦縣界之下塘二十里自界至新淦縣六十里西南至新喻縣界之泗溪三十五里自界至新喻縣八十里東北至豐城縣界之槎壩三十里自界至豐城縣一百里西北至上高縣界之勺塘七十里自界至上高縣六十里自蕭灘驛至

京都共六十五驛水路五千二百三十五里

秦志

清江縣附郭廣一百三十三里袤四十五里東陸大路自縣出東門由蕭灘驛五十五里至泊濂村南昌府豐城縣交界南陸大路自縣出南門社稷壇三十三里至丁家渡過河本府新淦縣交界一自張王廟五十五里至萬安舖本府新喻縣交界北陸大路自縣北門三十五里至曲水湖瑞州府高安縣交界大河水路自泊濂村接豐城界東岸往上五十里至永市本府新淦縣交界小水路自荷湖館分河東岸往上四十九里至泗溪本府新喻縣交界

西江志

鄧志曰境之廣狹道里之遠邇非能今昔異也而秦志曰廣九十三里江西通志則百三十有三里秦志袤五十五里江西通志則四十五里其四履所周東西至則秦志溢於所廣四十里南北至則江西通志溢於所袤亦二十三里彼此互證既多參錯各就所志按之亦且自相齟齬正其舛誤而核以今之方隅東八十里至清豐橋接南昌府豐城縣界六十里達

豐城縣西五十五里至新橋本府新喻縣界七十里  
達新喻縣南二十五里至丁家渡過袁江本府新淦  
縣界四十里達新淦縣北三十五里至曲水舖過曲  
水橋接瑞州府高安縣界六十里達高安縣東南四  
十里至南源新淦界六十里達新淦縣西北七十里  
至勺塘瑞州府上高縣界六十里達上高縣東北五  
十五里至泊濂村豐城界四十里達豐城縣西南五  
十五里至萬安舖新喻界六十里達新喻縣東西相  
距廣百有三十五里南北相距袤六十里東南至西  
北隅延百有一十里東北至西南隅延百有十里全  
境方二百七十里有奇水程由清波門二十里至荷  
湖館出贛江又二十里至牛灣塘接豐城界凡四十  
里又五十里達豐城縣自荷湖館溯贛江東岸三十  
五里至大洋洲凡五十五里接新淦界又三十五里  
達新淦縣由清波門溯袁江上游四十五里至泗溪  
接新喻界又一百里達新喻縣自縣達江西會城水  
驛俱二百有一十里又四千八百五十里達於

### 京師

#### 土產

穀之屬曰稻種類不一大約春社前後漬種立夏前後  
蒔秧將立秋而皆熟其最早熟者名救公饑小暑前卽  
熟俗呼五月早又有團穀早雲南早諸種糲甲薄而米

堅好有秋風黏簑衣黏諸種色赤甲厚有金穀黏田之  
低窪者宜之六月插秧九月方熟有晚稻分白赤二種  
白者爲觀音秬亦曰八月白赤而遲者爲冬黏亦曰硬  
頭紅有早稷有晚稷並堪釀酒曰麥有大麥小麥米麥  
皆秋種冬生春秀夏熟小麥爲麩用最廣但地氣下濕  
不逮北方遠甚大麥米麥民家以代穀食又蕎麥秋種  
冬熟麩爲粉餌乃農家居冬穀也曰蘆粟亦曰高粱近  
江洲地多種之春後布種秋月熟有二種黏者可和稷  
米作酒餌秬者作米充日食曰菽其類有青黃赤白黑  
綠諸種早豆曰五月黃六月爆晚豆經霜落葉黃豆青  
豆粒大皆可製爲腐最大者青色曰田膳豆綠豆洗粉  
黑豆爲豉赤小豆可藥白可飯此外有褐豆畫眉豆豨  
豆之類曰脂麻有遲早二種黑白黃三色曰玉蜀黍俗  
名玉米又曰苞粟可充日食山地宜之

蔬之屬有筍冬日生者味尤甘一種極小春暮從籬根  
發俗呼爲籬頭筍有菘俗名白菜有芥俗名春菜有紫  
芥白芥花葉芥數種有蕓薹一名油菜苗嫩可食子榨  
取油有莧有紫白二種又馬齒莧別名芸薹有冬葵俗  
稱冬莧有蕪有子蕪藤蕪二種有韭有蒜有葱有藟有  
茄有紫白青三種有瓠項長而纖者曰瓠短脰而大腹  
曰匏細腰者曰壺盧有芹有芋有薯蕷長者俗呼爲櫟  
脚薯扁而大者爲脚版薯有甘藷一名番藷有紅白二

種田家以代糧是名諸糧有葷菱有菠薐有茗蓬俗稱  
羨菜有萵蒿有苦蕒有萵苣有萊菔卽蘿蔔有紫蘘有  
豇豆卽帶豆有赤白青三種俗稱豆角有扁豆一名羊  
眼豆有紫白二種有刀豆有黃瓜卽胡瓜俗以月令王  
瓜生卽此誤王瓜土瓜也有絲瓜俗稱魚子瓜有苦瓜  
有南瓜有冬瓜有菜瓜俗名梢瓜亦曰越瓜有西瓜非  
蔬類也洲地多種之瓜瓢黃紅白三種味不及他方但  
取其子以佐籩實

果之屬有桃有李城中章山城南瑞筠山花時最盛望  
之不減曲江杏林也有棗有梨色味俱不及北產其樹  
於中洲爲多有栗實小不及宣州而味頗勝有柿炙乾  
者曰餅柿日乾者爲白柿有柑有黃柑朱柑香柑蜜羅  
柑惟獅頭柑最大又曰蜜甕柑家置柑園爲產每柑熟  
時市吳客得錢可佐正供然土性各有所宜實不能遍  
也有橘有龍眼橘牛乳橘又一種小者名金橘有柚有  
橙分二種氣味清芬者作蜜煎苦濁者爲枳有銀杏有  
茅栗有山櫨有苦櫨有梧桐子有枇杷有安石榴有櫟  
子實微長漬以水可作腐如椽

茗色味俱不甚佳舊志云上供茶芽每年十七觔自定  
賦以來未之改也西南鄉地稍高阜者種之春自乳茶  
以後歲可再摘邑大家多用閩產武夷茶居人將土茶  
用黃蘗汁浸漬令色味黃苦僞充之然粵中又慣用此

茶歲必交市又可異也

藥之屬有茱萸白芍梔子百部半夏天南星元參苦參  
天門冬麥門冬五加皮香附子烏藥茯苓扶神紫蘓五  
倍子何首烏百合菊花乾葛石菖蒲蒲公英蜂蜜椒實  
括萸實鴛粟等數十餘種此外自粵蜀來者集於樟鎮  
遂有藥馬頭之號實非土產

貨之屬有蠶絲有木棉有棉布明時貢有絹絲黃白蠟  
顏料諸物初必因土產制貢繼則率解折色到司委員  
採買實非土物惟居民多種花半貿半織其本色棉布  
上供者以紅邊別識民閩用者幅狹而理疎多不及也  
藤苧土葛亦閩有之並無綢絹土人多服布素而鮮純

綺儉樸之風此其一班矣有說花有煤炭山近高安者  
有之買山者以隴口爲別然刷煤多傷地脈且易致訟  
宜先事善籌之有山礬明時土人市銅炭於袁燒煉成  
礬分青紅二種紅者獨貴吳人市之以爲染料今樟樹  
鎮有礬廠惟此地之水可煎按宏治嘉靖郡志載土產  
有石青石綠今並無疑卽山礬類也

按秦志云鄰郡有清江渡出紙名清江紙宋時部  
牒誤下刻日抄會紙三萬郡守張礪力爭至援芳  
洲求杜若爲比得報罷後鄰郡規避趣辦如初郡  
守復申前請得免此無與清江土產而當時德政  
有足紀者因類及之

近日慧力  
青松無一  
存者

木之屬有樟諸材獨此為最故古稱豫章地以材著也

有松慧力青松古矣閣阜引路松尤勝有栢有扁栢刺

栢羅漢栢三種有楓有杉又一種名榦杉葉似纓絡松

但垂條僅尺許冬不凋零多生山谷閩有柳有槐有檀

有柞有櫟有桑有栢有楮有香椿其氣劣者曰栲有山

茶山閒廣植之子可取油然所產不及贛南也有櫻櫚

有烏桕有黃楊有女貞即蠟樹清江有女貞子而不結

蠟取其凌冬陰翠故號女貞

竹之屬有猫竹紫竹中繩者可作簫材有斑竹有箭竹

有實竹可為簾席有黃竹即苦竹之一種有淡竹取其

漚以入藥曰竹漚有筍竹笋味甘縷絲可編織篋管之

屬

花之屬有蘭有蕙有芭蕉植數年始花有水仙有玉簪

有鳳仙有秋海棠有繡毬有草本木本兩種有芍藥有

牡丹有梅舊時清江多古梅近則寥寥惟慧力寺紅梅

頗勝有辛夷有木槿大紅千瓣者舊時惟府城一本高

數丈今無有矣其單瓣者民間用以編籬有玉蘭有紫

荊有寶珠茶重臺者勝惟城東回龍寺二株甚高大有

海棠有西府貼梗垂絲三種有桂有丹桂金桂銀桂近

城為多花時香聞數里有木芙蓉有蓮有紅白重臺單

瓣並蒂之異有梔子有鷄冠有蜀葵有紫薇有鶯粟有

瑞香有月季有深紅淺紅數種有老少年非花也一名

無發之後  
慧力寺已  
成荆榛瓦  
標之場紅  
梅遂夢一  
存者

鴈來紅秋深葉愈艷有紫茉莉有映山紅一名山杜鵑  
春時山中如散紅錦彌望無際有菊有夾竹桃葉似竹  
花似桃淡歲無開

秦志云府學有三絕殿堂之桂泮池之荷梅屋之  
梅後人所當寶護縣庠亦有佳樹惟千葉榴一本  
獨盛於他所見清庠志

草之屬有蘋又曰萍孳生池沼以大小分名有藻亦水  
草也有艾有蒲有莎根卽香附子也有葦有荻有蘆皆  
叢生水際有青蒿有鳳尾蕉一名鐵蕉色稍瘁墜以鐵  
屑則滋盛郡治一本高至丈餘開三幹蓋數百年物也  
有魚腥草可毒魚以之覆魚則不速潰有虎耳草可治

耳病

禽之屬水鳥如鸕鶿鷓鴣木鳥如鸛雀鸚鵡家鳥如鶯  
鷺雀鶻客鳥如燕鴈鷹隼之類皆不異宋時多黃綿雀  
除土貢外貽朝貴以萬計郡守王蓮奏罷禁之李大異  
作詩美之王安石送呂嘉問詩亦云黃雀有頭顱長行  
萬里餘想因君出守暫得免苞苴今黃雀雖有亦不多  
於他所

獸之屬有虎有豹一名程有鹿有麀有麂有麇有兔有  
狐有獺家畜有牛有羊有犬有豕有猫一名狸奴

鱗介之屬有鯉有鱖有鱣有鮪有鱖有鰻有鱒味最鮮  
而多刺有鰻有鮎有吳有鰻鱓一名白鱣與鱣之色黃

兵燹之後  
今俱無存

此鐵蕉不  
知尚存否



者分兩種小者曰鯀曰鯽鮒也有鯨有鱧色黑故俗名  
烏魚爲介屬者有龜有鼈有羸有蚌有蟹有蝦有蝦蟇  
俗名田鷄其類曰蟾蜍

豸蟲之屬有蠶有蜂有蝶有蟬一名蜩有螢有螳螂有  
蜘蛛長踦者爲蠨蛸小而脚長者名喜子亦名蚰蚌有  
蜻蜓有蟋蟀一名蛩一名促織一名蜻蛉一名王孫一  
名景天有絡緯卽莎雞有蝙蝠一名天鼠有蜈蚣一名  
螂蛆有守宮一名蜴蜥其曰鼠婦曰蠹蟲曰蠅曰蚋皆  
濕化

按土產秦志所載種數無多施郡志於五穀外僅  
列其名鄧志則詳詮形色多所引證辭極有致然  
志家紀實不徒作禽經卉譜也茲就鄧志原文芟  
其繁富以適厥中云

山川

形勝氣候風俗附

禹平水土主名山川王制云寒煖燥溼廣谷大川  
異制民生其閒者異俗是氣候風俗以山川而殊  
也清江山稱閤阜水合巔牽靈秀所鍾迭產名賢  
流風餘韻奕世如新至若洲渚之閒遠延嵐翠近  
挹波光亦可覘清淑之氣者而邑之勝概無復遺  
矣撰山川列志

○ 章山一名富壽岡郡邑之鎮山也山以晉羅浮道人章  
昉得名今城隍廟左舊有紫霞宮宮有丹池蓋其修真

所也宋宣和中知軍汪師心修郡圃月榭得碑石於地  
中因稽此山舊名富壽岡云山周二里許兩江環其陽  
蕭水繞其陰南連瑞筠北接白牛岡諸山郡城西成富  
壽二門實枕山麓自蕭洲橋以東陡起崇岡其上卽曠  
然平坦里許爲舊演武場四望遼闊又里許卽西城門  
自西成門北行負郭一帶林木葱鬱秀氣勃率入城內  
山脈東趨愈下盡處復起爲雙嶺曰萊公嶺馬鞍嶺萊  
公嶺東一峯秀峙曰金星堆古志云五星奠位此其一  
也宋時作清江臺其上張孝祥所題榜也臺又題曰一  
覽爲城中最高處其下卽郡縣治所舊演武場之南稍  
斷復起陂陀連亘又迤而南負郭潁江與章山犄角聳  
峙別成峯巒者則曰

瑞筠山周五里唐僖宗時處士歐陽董居此叢生瑞竹  
色爛如銀因號瑞筠其後捨宅爲慧力寺有讀書臺遺  
址存焉

國朝康熙二年叅議施閏章建亭山巔旣成產紫芝數十  
本因賦詩紀事以紫芝名亭改山曰紫芝山南昌李明  
睿爲記一時題詠甚多具見藝文山勢峻嶒聯接如龍  
之蜿蜒起伏有龍珠鴈宕鉢盂蓮華象王白雲諸峰池  
曰白蓮泉曰洗心又有溪曰玉帶環抱山寺二橋跨其  
上曰正中曰伏馬自宋以來亭臺標勝興建不一別見  
寺觀古蹟中自鴈宕峰迤而北爲天慶坡郡城枕其上

鐵佛寺今  
山要存

近城為西阮埠有井曰龍潭旱澇不竭相傳郡人激龍  
蒙山則取水於此蓋蒙水入江遂過城下理或然也又  
出縣東門二里許山脈迤邐亦分章山之餘氣而成者  
則曰

白牛岡上有雷祠俗又呼雷廟嶺稍斷復起其上為鐵  
佛寺山勢坦夷望之如牛眠狀蓋郡城護山也明通判  
袁表有燕遊倡和詩又有通判金本陶禱雨碑石刻具  
存縣東行六十里抵

閣阜山山蟠衍二百餘里其東北連豐城東樂安南新  
淦諸地境形如閣色如阜故云道書以為第三十三福  
地漢張道陵葛孝先晉丁令威修鍊於此寰宇記以為

神仙之館有靈仙館燬於隋唐道士程信然掘地得玉  
石像創草堂居之先天元年孫道士為臺殿因山名觀  
其後江南李氏改名元都宋政和八年賜號崇真宮丞

相周必大有碑記峯六曰東峯相傳葛仙丹成藏之東  
峯石室留記云以俟廣  
修陰德者明海鹽徐穎詩明月與東峯對峙上  
在天人在雪三更私自禮東峯曰西峯有壇東葛西張  
元吳澄詩所謂漢吳曰鳳遊曰蓮花曰凌雲曰玉女巖  
仙跡兩峯齊指此

二曰金鐘曰藏籙原五曰葛憩曰會仙曰桃花曰蠶原  
曰石曰即搗藥曰相傳葛仙搗藥遺一粟許飛禽遇而  
食之遂得不死今夜靜月明時猶作丁當杵曰  
鳴藥鳥嶺四曰觀舍曰雞阮曰嶠嶺曰西巘橋三日

會仙曰南澗曰揖仙石四曰雙鯉曰馬蹄曰石門曰朝  
斗臺二曰鳴水曰著衣壇二曰上昇曰禮斗菴四曰仙

人曰路山曰郭公曰卧雲潭曰投龍塘曰九龍泉曰漱

玉泉雜雨則香聞四處明羅洪先詩百尺風泉帶雨香蓋紀實也池曰磨劍山北高峯

為丁真人壇明俞策詩丁仙曾表赤泥封考周記宋崇寧間封葛仙為冲應真人詰命在焉丁仙

封號未詳今土名有橐駝太極芙蓉城諸峯疑即東西峯蓮花

峯之異名也

山閒多葛仙遺跡唐宋時宮觀甚盛碑記題詠頗

多嗣後宮觀迭修迭毀獨舊跡半可考焉山門內

古松數十株其大連抱蒼翠交陰數百年物也按

宋設傳籙壇與金陵茅山廣信龍虎山並著羽流

師承漸替問道者遂鮮昔人云今日雲孫化巫祝

蓋所從來久矣

峽山在閩阜之前其周九里許上有峽山寺而閩阜之

東北有

珠裏山距縣東六十餘里山勢聳拔南控新淦縣境之

溢山小廬山峯巒稠疊迤邐北行引結為九龍而茲山

特起最高形圓如珠故曰珠裏每當春晨霧散秋半天

清羣峰蜿蜒環相顧應如鱗甲飛動其意常在一珠俗

呼九龍戲珠

珠裏林木素盛田地肥美近乃為閩粵客戶所墾

雜蒔山糧利源固開而松竹亦漸疏矣

礐嶺山在閩阜之北其山延亘為麓而無峰故以名之

又縣東四十里曰

○紫淦山周二十餘里峰巒高數十丈色紫翠淦水經其下因名寰宇記作子金由紫淦山行二十里曰

神嶺山隸崇學鄉上有廟曰嘉惠

孤山亦在縣東六十里一名澄山上有天池瀑布坐對沁人肌骨而縣東南三十里

○玉華峰最著相傳王郭二仙嘗憩此今山頂巍石如棋枰卽二仙遺蹟唐時建屋覆之各仙人庵明成化閒里人徙庵山側以像祀二仙元吳澄明彰綱記及諸題咏半見藝文縣南十里曰

○龍岡山當驛路有赤土如環者二相去數丈許俗傳爲龍眼試掘之卽雨雨過如初其在縣西南三十里者

栖梧山也山勢綿亘十餘里上有觀曰太平玉虛山有靈芽丹井蜻蛚塘蟾蜍谷葛峰笏竹巖真君泉聖水亭河臯廢寨諸遺跡又五里至

黃岡山有仙女塢東晉王長史遇仙女張麗英居栖梧山歿葬於此故名下有舖曰黃岡其在縣西南五十里者

福山也別一

孤山在縣西北三十里與鍾秀山對峙青蒼秀拔自縣至高安界惟此山獨高

鍾秀山亦在縣西北三十里形如卓筆下有寺曰查林寺有古銅鐘聲極清遠又縣東北六十里爲

夏山周十餘里上有寺門枕石潭俗傳有神物居之其流無窮可溉數百畝寺廢於兵燹縣東北二十五里是爲雲谷山周十餘里三峯相峙有寺曰龍居

銀嶂山者亦縣東北山也距縣七十里隸崇學鄉周十餘里石色如銀故名俗又呼爲銀瓶庵秦志但云在縣北鄧志據一

統志更爲東北又云山舊產銀今無

秦志曰章山瑞筠白牛岡郡龍結聚之山也瑞筠其首也富壽岡其胸腹所蟠屈離奇也白牛岡其尾也江濱龍石乃其爪牙鱗甲也昔人以郡城爲石龍城竊謂地勢當論其大者不當以區區龍石爲石龍城自閤阜至夏山始乎東卒乎東北取成

艮之義閤阜屏障以扼險不但福地名勝而已蒙喻山也然其水來朝比於望祭之義則亦猶境內之西蒙也北境諸山與高安接者是爲肩背江水所以讓而東趨其餘則拱揖朝伏耳但按圖一披惜其林巒洞壑諸勝不可得而盡覽焉

鄧志曰唐杜光庭洞天福地記自十洞天外有三

十六小洞天在江西者凡五廬山西山鬼谷山玉山笥山麻姑山又

有七十二福地在江西者凡十三丹霞洞龍虎山靈山金精山始

豐山逍遙山東白原虎溪元辰山馬蹄山麗山郁木院閤阜山其二屬臨江而閤

卓屬清江則紀清江之山必首閤阜舉其山之大小者而言也然統論清江全境縣固爲經山宜爲緯

茲仍縣舊志始乎東卒乎東北之例而每山以縣  
提綱則變其體也紀閣阜加詳亦以表異於衆山  
至珠裏山擅縣東境之勝舊志不載特爲補入其  
餘林壑不遑瑣列矣

清江以水得名贛袁二水舊自西南合繞郡城而北以  
其波流澄澈故曰清江按桑欽水經贛水出豫章南野

縣西北過贛縣東又西北過廬陵縣西又東北過石陽

縣西又東北過漢平縣南又東北過新淦縣西

即今樟樹鎮新

淦舊治於此北流入於江贛水漢地志名湖漢水酈道元曰湖漢及贛並通稱也又按

漢書地理志豫章郡宜春南水東至新淦入江酈道元

水經注云牽水西出宜春縣東經吳平縣

即縣西南境牽水即淦水

其源出袁州萍鄉之瀘溪合小臯水經袁州

隋地志又名秀水

是曰袁水二水合流南經郡城北入於江而郡治適臨  
焉此臨江所由名也明成化末贛水北衝蛇溪不復西  
折止有橫河一綫通其吐納之勢於是郡城止臨袁江  
不臨贛江直至城北二十里二水復合水勢益大時屢  
衝決之患又十里爲清江鎮淦水西入蕭水東注入豐  
城境是爲劔江

蛇溪在縣東自永泰之下五里分江水爲溪三十里復

與江流合及爲贛水所衝蛇溪之半遂成大江其半自

荷湖館對岸曾家壩

秦志鄧志俱云自荷湖館分流繞

余家洲至樟樹鎮復入於江此猶蛇溪故道今現存其

入江處俗呼爲蛇溪。秦志謂蛇溪以河形蜿蜒得名。其說近理。或謂許旌陽滅妖蛇。滾成溪者。誤若贛水北衝蛇溪。其半遂成大江者。卽

銅鑼江也。昔時春夏水泛。瀾數十里。妨民耕佃。宋淳熙初。部使者築堤捍之。患始息。逮贛水北衝。田土沒入幾千百畝。明嘉靖間。叅政陳大賓。知府徐顥。先後議塞。不果。徐議畧云。郡居江嶺交會。素名殷阜。自蛇溪旣決。舟楫遂阻。商旅不行。城居生理日少。使客供應。去城頗遠。風雨急遽。期會常失。塞河爲民便者。三商船獲通生理。自繁民復沒田。免於虛賦。官司送迎。不艱阻。遠百世之利也。隆慶中。知府管大勳曰。議者謂塞銅鑼江。俾江水

盡經府前。入大江。則賈舶通生理。繁祇候便。官民省。且與形家諸吉合。然水深廣矣。又駛挾山拒河。萬牛不力。計將安出。况鳩衆移粟。括金問藏。非鈞銖之較。而旬月之積也。謂塞不善。吾弗敢云。嗣籌者宜計較利害。終始乃從事可也。自是以後。遂無有能決其議者。至贛水北衝後。與袁江夾流。二橫河橫亘其中。因名。

橫河上橫河在龍窟口。

卽龍窟口

屬新淦境。乃贛江會河故

道。水滿仍可通巨艘。下橫河東出銅鑼江口。西出慧力寺前。夏秋水溢。僅可通舟。冬春則涸。乾隆三十二年。太守李昌昱以橫灘洲一帶。居民間被水患。於二橫河口築長堤禦之。



鄧志曰：贛水自淦邑北流，至龍窩口，經萬碩洲南，遂西會於袁。袁水自喻邑東北流，至三江口，遂東會於贛。二水合流，乃由硯子洲、渚塘等處繞郡城而北三十里，出荷湖館，入樟樹大河。此故道也。自明成化末，贛水暴至，直衝永市下五里北，抵蛇溪，遂成大江。是爲銅鑼江。於是下有橫河，嘉靖間參政陳郡守徐先後議塞，不果。其意蓋欲使袁、贛合流之水仍繞郡城，旣收形勝，又於官民兩便耳。計無所出，議遂中阻。而二橫河口時苦汜溢，橫灘洲居民多被水患，乃築堤以堵截之。夫築下橫河堤，不失議塞初意，築上橫河堤，則贛水一線之故道，且湮終無由會袁水，以繞郡城。自是議者亦當因時勢以酌盡善云。

其在清江東境之水有二，一曰

淦水。按漢志：淦水出新淦而入湖。漢水經亦云：淦水出其縣後。淦邑旣遷，而故地割入清江境內，於是淦水遂爲清江東境之水。其發源自茂材鄉之離嶺，經紫淦山，出洋湖，至樟樹鎮，會蛇溪水，入於贛江。一曰

沈香溪，卽閭阜山水也。山左界水，卽會淦水，出洋湖，經

狗頸橋，至鎮入江。其右界水自洞塘橋出，沈香溪至南

上村，合發源孤山之小溪水。

秦志：志俱失載，小溪水特爲補入。

北流，距

鎮不及十里，忽東折，歷大橋馬纓橋，紆迴遠去，入豐城。

界至小港口入於江其在清江西境之水亦有二一曰  
蕭水在縣治西又名小陽水出古清泉里俗呼爲香田  
有山似磨盤者二兩水合襟縈抱如帶其源一自段塘  
一自烏塘至香田匯爲一由蕭洲橋繞城西北至潦澣  
口入於江按秦志云蕭灘鎮亦以此水得一曰  
太平江卽蒙山水也在縣西三十五里出蒙山之陽東  
南流至太平觀爲太平江又東南入於袁又東北入於  
贛秦志又云  
經華陽江其曰  
小阜水者在縣西南十里合袁水入於贛江按水經云  
瀘溪水合小阜經袁州其源頗遠秦志云縣西南十里  
猶未詳也

曲水在縣境北接高安界秦志失考其源但云從西折  
來又折而東北故名曲水今按一統志曲水源發蒙山  
流出潦澣口東入贛江有曲水橋跨其上舊建曲水公  
館今仍之

秦志曰贛水袁水合流卽所謂清江水也宋羅知  
古詩云層層碧嶂來無盡滾滾清江遠莫追於是  
有清江碧嶂之名嘗聞諸古志有云清江如大陰  
半月之形閭峰抱之如祥雲捧月此猶形似未盡  
耳竊謂秋夜明河橫亘坤艮中分碧落此最似之  
但形家以爲水勢東去不收欲於水口建浮屠以  
取勢於論宜爲有理也又曰淦水閭水水東之水

也。蕭水蒙水水西之水也。蕭水自西北入於潁蒙水自西南入於袁。鈞鈐巧施關鎖嚴密能使風氣攸聚至諸水皆北流而蒙水獨南流尤地脈最靈秀處。

鄧志曰袁潁二水合而清江以名自潁水不復繞城清江之形勢已異於昔矣乃始之議者猶欲砥厥瀾以復其舊旋以憚於役而安之繼且迫於一時之計幾并其舊而忘之雖藉人事因時爲補救然形隨勢遷此亦河東河西之說所由來也。

按銅鑼江決潁水東流迄今幾四百年河身深廣十倍城下之河如欲由上橫河口挽歸故道無論挾山拒河萬牛不力鳩衆移粟括金問藏非鈞銖之較旬日之積誠如隆慶府志所議就令能復而中洲一帶居民其田園廬墓不半需破壞乎且二河共逼城塹城身着重衝嚙之患在在堪虞恐城中三萬戶城外八千家未必遽覩其象而蕩析離居之害先有不可勝言者故道旣不可復則築隄二橫河口以堵汜濫亦理勢之所必然無可訾議鄧志謂築下橫河隄不失議築初意築上橫河隄則潁水一綫之故道且湮終無由會袁水以繞郡城又云始憚於役而安之繼并其舊而忘之頗有不足築隄之意未免泥而不達惟秦志云形家以

清江縣志 卷之二  
爲水勢東去不收欲於水口建浮屠以取勢於論  
宜爲有理今迴龍寺側袁水北趨寺前水府殿漸  
坍塌入水峭岸壁立日有傾崩宜剏修石泊岸一  
道以衛寺基卽於岸內建立寶塔以攬風氣此則  
有利而無害者因比歲大工頻興未便重煩民力  
俟一二年後當徐圖之再樟樹鎮商現在修理寶  
金山真君廟若能於廟後建立寶塔使兩河風水  
盡歸融結不特闔邑人文將日見其盛卽闔鎮生  
理將日見其蕃矣商等尚其留意焉

洲附

百花洲在郡城內縣治北寶壽寺右宋侍郎向子諲薈  
林故地也秦志云向公致仕居寺左植花卉其上按寺  
左不數武薈林書院廢址猶存其旁池塘一區尚有洲  
渚之意言薈林在寺右者恐誤鄧志云以朱子薈林詩  
東臯濺寒水等句證之今地當在寺右無疑乾隆庚寅  
歲太守李昌昱遷建縣學於此縣東門外五里爲  
蘆洲接迴龍寺秋冬水涸洲地當南北孔道春夏水泛  
則洲宛在水中不通輿馬臨江八景蘆洲落鴈其一也  
其上今爲演武場東門外與蘆洲相對者爲

善嘉洲其上舊有善嘉橋庵按宏治郡志云江心水溢  
沿洲而轉人不病涉據此則洲在西岸而嘉隆郡志以  
爲洲在江中者誤也或又以對江之善洲爲善嘉洲此

益誤不知此乃東善洲也。諺云：蘆洲對善洲，江水兩分。流蓋緣江水濫灌入兩洲之間，至橋庵最高處，則水乃分流。北從迴龍寺前出，南從元妙觀前出。若隔江相對，則江水中流直下，何有分流之說？文名門對岸，江申橫亘一里許，與中洲相連，止隔一小溪者爲金鳳洲。洲形似鳳，其首北向。故形家又云：金鳳朝陽，宋司業黎立武於其地，建金鳳書院。明副使黎龍又建狀元坊。其後並廢。元時常置金鳳驛。古識云：金鳳洲圓丞相出，蓋取展翼飛舉之義也。

國朝參議施閏章曾於其上建來鳳亭，有讌遊詩。縣南十里曰

萬碩洲，左袁江，右贛江，南上橫河，北下橫河，四面濱水土沃，歲不患旱，故名。上有柑園極盛，與硯子洲相連。郡志云：清江新淦各隸其半，其北過橫河，卽中洲也。

中洲在兩河之中，故曰中洲。東贛江西袁江南下橫河北，卽兩江合流處也。橫廣十里，縱二十餘里。今下橫河涸，遂與萬碩洲相連。直至淦境三湖龍窩等處，幾三十里。考地脈自百丈峰以北，兩江夾送至此，當爲大盡。范坊民居頗盛，由范坊而東至銅鑼江，新馬頭雙塘溪西巖埠而止。其西自灑上曾家埠灘下黃都下至島口而止。中有湄湖、白水湖及舊建隱仙寺、慈相寺、香積寺、古鏡庵、華嚴庵、宋武帝廟、東平祠等蹟。其閒雜爲民田。

家多編竹爲藩籬最有古意與金鳳洲相接處有小溪蓄洩江水石橋跨其上蓋中洲以金鳳爲左翼而郡城瞰江實以中洲爲近案自西岸望之烟樹迷離誠風土之可嘉者也中洲西北隅有

東善洲與灘下渡相近相傳善周禪師實生此地而圓寂於善嘉橋庵中隔江相望故土人呼爲東善洲云縣南十里袁水自西來北折而

游家洲在其右掖與萬碩洲相望又名雙洲或云係古蕭洲之境

按蕭灘一名蕭洲灘以水得名俗傳梁武帝南幸曾駐此又呼判官灘宋王益判臨江軍官吏或懷

欺求判益輒擱筆不行以比涉蕭灘者戒衣襖也然今蕭水在縣治西卽小陽水其地有蕭洲橋此云係古蕭洲境姑並存之

縣東稍北在樟樹鎮上流江中綿亘十里許者爲

余家洲蛇溪繞其內土可樹藝亦閒爲賈人居貨向爲余氏業其後半爲祝氏所有或又呼祝家洲今則陳劉余三姓所居而祝姓無聞舊有庵曰中洲其在樟樹鎮對岸水長則不見者

花灩洲也謠云花灩洲上生青草樟鎮出閣老而

涼傘洲在花灩洲下五里許卽鎮之護龍沙也其上舊存大樹一株形如涼傘故名又有

枯洲在樟樹鎮對岸薛家渡左又有

木瓜洲秦志云在城東北三十里其由縣東行十里過  
贛江曰洋塘有

洋塘洲洋塘洲上五里曰

沙洲洲產沙金向多淘金者後土人禁之恐傷龍脈也  
沙洲上里許爲

黃澹洲洲界連新淦地甚廣每以清新兩縣相持居民  
無開墾者彌望數里遂成荒壤其上有祖師殿東禪堂  
殿側有明淦進士比部郎張克文兄弟所建關帝廟廟  
左近建東嶽廟黃澹洲之分支是爲

黃鮎洲洲在水中央極高春夏盛漲繞洲而洲獨不沒  
地勢首濶尾長故名永市西南抱案也乾隆二十一年署  
縣江岷諭令植柳數百株鬱然成林每東風葉展晴絮  
交飛石埠橋頭不減灞陵道上矣由縣南行三十五里  
爲

雒湖洲民居甚繁由縣西南行三十里爲

姜湖洲界接新喻境又有

破口洲亦在縣西南三十里而縣西南四十里曰  
開洲亦界連新喻上有永鎮庵又縣西五十里曰

黃土洲

自洋塘洲至此  
皆鄧志補載

秦志曰按地名洲者不盡於此姑志所及見聞者  
夫洲生於水氣有進退之分逆水生者爲進氣順

水生者爲退氣此理最微識者宜分別觀之此長則彼消理固然也母令民滋擾擾可耳

清江地瀕水多洲其夙墾爲田者恒苦澇故墾種者卒鮮惟是迴汀柳綠近渚葭蒼泛釣艇以觀鷗過江亭而數鴈會心原不在遠矣因類紀之

### 形勝

當南粵虔吉袁洪之衝舟車輻輳

南唐吳鸞建清江縣議

據瑞筠之蜿蜒枕金鳳之迤邐東擁閤阜之高峰西亘

蒙山之巨嶽

白志

四會之衝閤阜玉笥爲鎮碧嶂清江山靈水秀

輿圖備考

臨江蓋揚州之南境云扼嶺襟潭掖袁控瑞通梁粵帶

虔吉其四會之衝乎

嘉靖郡志

城西有富壽岡盤繞郡治以此爲形勝前眺江流如橫一帶玉笥閤阜諸山江外殘雪未盡縈青繚白遠目增

明

南昌郡乘

臨郡南對閤阜山有清江碧嶂之勝橘柚之洲環城三

十里

高詠遺山集

鄧志曰清江爲四達衝衢嶺粵衡湘往來取道必於是焉東崇學茂才二鄉與豐城新淦接壤西思賢鄉毗連新喻修德鄉與高安鄰建安鄉於四鄉犬牙相錯有與豐城新淦接者閤阜銀嶂紫淦玉華諸山聯亘東南矗起雲表蒼翠明秀如列屏障



與百丈玉筍遙相拱揖西則蒙嶺遠控陂陀百里入清江境爲黃岡棲梧諸山原巘相起伏又數十里爲紫芝山鴈宕山白牛岡晚湖山南迤而北護抱治城城中爲章山而南薰西成富壽三城門跨其巔麓林木蓊蔚民居錯處方軌曲途延緣若升降環郭民居舊時烟火相接衰至數里故老相傳猶有城中三萬戶城外八千家之語贛江舊滙袁水自南繞城而東北今城但臨袁江至荷湖館始與贛合地平衍凡百十里形家以爲東北稍窪下江水直去不收惟距城五里有寺曰迴龍藉以底柱江流欲於茲地建立高墪庶幾攬結風氣至於標題勝景分著名目昉自宋人瀟湘諸題後人競效之一鄉一邑莫不有景雷同勦襲頗爲大雅所譏舊志纂於明季知縣秦鏞有臨江八景詩見藝文志自註云前輩有作此詩者實未知起於何時以相傳已久仍錄之曰慧刹青松曰龜石春濤曰金鳳朝陽曰蕭江漁樂曰蘆汀落鴈曰蛟溪夜月曰樟鎮歸帆曰閣峰晴雪然不若明劉永之所題清江春雨碧嶂秋嵐二圖之雅也按鄧志尚有徵引十九條以其全文載志中特爲節去以省繁複

氣候

清江城居高亢四境漸平夷環以峯巒帶以江水四時之氣胎蘊灑洩視月令所紀合者半不合者亦半月令孟春之月東風解凍蟄蟲始振清江是時則積寒未散冰尚凝池也二月雨水桃始華頗應月令而元鳥之至多在三月初旬季春生氣盛陽氣發然多雨雨輒寒月令下水上騰此其候焉孟夏月令始絺清江是時梅雨益漲早晚猶索木棉衣端陽後驟熱時晴時雨俗呼養禾天染艾食桃亦符月令六月少雨熱甚或雲雷乍合不逾時復霽月令所云水潦盛昌者殊不然至於登穀嘗新不爽孟秋之令然至是熱尤甚每蘊隆八月中秋白露始降而鴻鴈之來又愆一月期也重陽節多風雨

始涼黃花始放不過數枝十月初乃滿籬金綻矣月令孟冬水冰地凍清江是時候極和暖諸蟲不盡蟄故俗呼小陽春一陽月風氣霽粟雪下或竟日民喜稱瑞預卜來歲豐稔特冰不甚壯遇晴易釋季冬月水澤腹堅矣月令稱是時鴈北向清江則在明春正二月大抵地介江楚圍於南故氣候與省會微別其或陰月而桃李華開亦有焉不足異若夫入山則飛嵐捲霧旭景高數丈草樹溟濛沾衣欲濕近水則密蔭迴風雖當盛暑而漁莊蟹舍獨占清涼此又林泉之勝遠於城市囂塵不獨清江然也

風俗

其君子善居室小人勤耕稼俗少爭訟勤於紡績有夜浣紗而旦成布者俗呼爲鷄鳴布隋書地理志

衣冠多所萃止藝文儒術斯之爲盛雖閭閻賤品處力役之際吟咏不輟文獻通考

臨江君子尚禮崇德小人勤力知分此雖齊魯何讓焉明一統志

地瘠而窄胼胝不能給多持空囊而奔走四方然樸質儉苦時有憂思故秀杰之士往往出其間鄭曉地理述

清江俗龐茂崇禮讓舊族流風畏義矜行延於今弗衰嘉靖郡志

地當舟車四會之衢山峻水清逐末者多鄧元錫方域志

臨郡山川未之有改也俗差異故鮮訟今稍好爭故勤嗇今稍晏惰而崇儉好禮文之風僅僅不替蔭慶郡志

清江水陸衝煩民俗頗淳輿圖備考

君子尚禮教畏清議崇德齒矜名檢小人安居而樂業勤力而知禮臨江府志

士大夫家居多布素無燕遊賓朋之娛士人恒服領無緣飾富人治垣屋不事雕鏤農家雖稔歲食不重味終歲勤稻粱之謀秦志

婦女無出游及然修寺院者卽街衢巷陌閒絕無婦人行跡此第一美俗同上

按鄧志尚有徵引十五條以其全文具載志中特

爲節去鄧志又云前說有所未備爲補著之以列於篇

一士尚氣節恥奔競讀書鄙章句學近日拈韻臨池尤爭自濯摩有家延二師者有人奉一師者故文風較盛於昔科名亦弗替焉

一清邑少山隨土之腴瘠高下雜植五穀及茶柑白棉諸物無隙壤亦無虛日絕少游惰

一民勉貿遷或徒步數千里吳粵滇黔無不至焉其客楚者尤多惟簞木藥材之利甲諸郡而重然諾愛名檢雖闖閩猶有揖讓風

一女紅以紡績爲事軋軋機聲日夜不少息匪惟授衣

且資家用有娣姒三五人卽輪紡徹宵者布旣易成且以警夜季冬輟紡事操鍼黹爲衣履需恐來春不暇也此亦農民亟其乘屋之意歟

一冠禮俗尚簡易大抵多在二十以上昏禮始憑媒氏持庚帖通言令星家卜吉則合婚聘用釵釧幣帛視兩家貧富以爲豐殺娶則先日結綵輿導以鼓吹仕宦則張旗蓋輿將至壻往迎之謂之親迎到堂預請親族婦女之齊眉福慶而多男者扶婦出輿謂之接轎用童男女執花燭導新婦入房行合卺禮風興拜舅姑以次拜同居及族屬長輩三日入厨

一喪禮父母沒吉時卽斂孝子宿柩旁三時上食自始

砂

死至七七每七設奠拜哭亦有從俗延僧道齋懺者  
既筮塋訃親友以期弔奠答以布帛或三日五日而  
止發引孝子徒跣扶柩行至山先告司土神有力者  
請先達題主塋有棺無槨爨以輒篋墊以雄黃朱沙  
蓋取辟虺蟲陰龍脈之義也

一聚族而居必有宗祠以妥先靈四時致祭而清明長  
至之祭尤重以族之達者或者老主祭餘隨拜如儀  
祭畢布席序坐盪飲餽餘分胙有子孫遵教令者則  
開祠正議之族舉子冠昏及籍郡邑庠登甲乙科者  
並醵喜金入祠存留以爲祭祀及修葺祠宇費

一條漕各立義圖僉里正董其事納輸分兩限旣納驗  
票踰期者罰較檄催者爲倍嚴故年來官鮮追呼之  
勞民無逋賦之擾此最俗之醇美者

一民敬官畏法凡鼠牙雀角及土田婚姻細事或有違  
言族隣排解之縣值告期呈詞不過數紙所謂百里  
風清庭階草綠豈偶然歟

一俗尚穢祥遇疾病輒憑詹卜以事祈禱費且不費值  
誕辰或起延生醮爲壽預以楮幣寄儲冥庫是則其  
愚者也

一節序臘月二十四爲小年糞除舍宇除夕祀先靈祀  
竈帖五綵牋亦宜春帖子遺意合眷屬團飲曰團年  
小兒以紅縷結錢龍曰壓歲圍爐不寐曰守歲元旦

轟爆竹迎新歲開門擇吉方出行歸卽拜賀祖先親  
長以次及族鄰姻親上元日爲迎神會鼓樂甚盛夕  
聯紙燈如游龍狀翔舞街衢間清明上先塋培土掛  
楮錢具酒肴席地飲端陽不爲水嬉惟於諸廟結綵  
舟以導神家製五色絡納糗果繫小兒臂或卽古所  
謂長命縷者歟七月望製竹卷實以金銀紙鏤夜焚  
之以資先人冥福中秋多剝瓜作燈以其形似月也  
兒童發瓦礫浮圖實薪其中燃之四面玲瓏如火樹  
以上鄧志所載極爲詳覈凡秦志中如同姓爭訟  
異姓亂宗諸弊自入

熙朝涵濡

德化二百年來漸摩殆盡可謂比戶可封矣維是沐休  
養生息之澤值惇大成裕之時始則由儉而豐繼  
或由豐生侈爰就見聞所及有當力爲維挽者著  
錄於篇以與我邑人士相申警焉

一近來人爭向學酷艷章縫始入學者父兄爲製華  
麗衣冠邀同師友戚族到城相逐用鼓樂前導迎  
至家中先拜祠堂後拜尊親三五日內遠近知交  
畢來致賀然後卜日筮賓告祖醮墓謂之起送甚  
或暨臺演劇動經旬日富者費數百金貧亦不下  
百餘雖彰肆雅之榮未協祭菜之義諸葛武侯謂  
淡以明志靜以致遠請復斯言先端始進

一近來大家世族及殷實之戶每逢喪葬務飭觀瞻十里之內衣冠咸集謂之公祭主祭者酬之束帛相事者答布二端飲食窮水陸之珍輿從極犒賞之盛往往費至千金誇爲美談夫勿之有悔惟在附身附棺之必誠不儉其親豈謂爲賓爲主之必備太邱會葬匪由要約季高致客已取譏評聖人謂有無過禮又謂易不如戚請復斯言免蹈無廟一近來結婚富者納徵納采豐腆固不待言貧賤之家呼爲頭聘二聘需用短陌行錢五六十貫清邑每百短二十二文各爲行錢至嫁女資粧首飾器具而外衣裙多者數百若不能購庀則母女豫爲紡織積布數年製衣數十然後遣嫁男子無力終身莫娶卽已經聘定亦必責足禮金方許親迎夫婚嫁生人之常荆布隨時可辦何必責備求全致罹怨曠請繹儷皮之義早敦弋雁之風

一近來思立家門必營華屋高其閨闈厚其墻垣雕鏤奇巧藻繪輝煌費或鉅萬少亦數千每有室未落成貲先告匱者不觀綠墀青瑣貴戚且用爲譏甕牖繩樞高賢因而見重欲圖安身之計請讀陋室之銘

右四條本非俗習之媮亦見人心之厚但踵事增華之不已恐致飾盡亨之堪虞况

聖主保泰持盈首申節儉上官慎微謹小重戒驕奢凡  
我士民允宜同深觀感共切遵從綢繆未雨之桑  
林惕在豐之蒔務斲雕而爲樸母積習以生常庶  
永登康樂之書長食和平之福矣至於家庭孝悌  
里黨雍和薦紳不履城市士子不入公門公聽斷  
卽羣頌官清省苛煩便羣稱官好權概平而輸將  
恐後校課密而磨濯爭先此則官民所以相安於  
無事而風氣蒸蒸日上者也予亦何幸而官斯  
土哉

